



UNIVERSITÄTS-
BIBLIOTHEK
PADERBORN

**Die IV. Junii. Festum Sancti Francisci Carocciolo
Confessoris.**

Paderbornæ, ca. 1807

Die IV. Junii. Festum Sancti Francisci Carocciolo Confessoris.

[urn:nbn:de:hbz:466:1-60414](https://nbn-resolving.org/urn:nbn:de:hbz:466:1-60414)

DIE IV. JUNII.
FESTUM
SANCTI FRANCISCI
Carocciolo Confessoris.

Duplex minus.

*Ex Decreto Urbis et Orbis edito à Pio VII.
Pont. Max. die 5. Aug. 1807.*

Omnia de Comm. Confess. non Pontif.
I. loco, praeter ea, quae sequuntur.

ORATIO.

Deus, qui B. Franciscum, novi Ordinis
Institutorem, orandi studio et poeni-
tentiae amore decorasti: da famulis tuis, in
ejus imitatione ita proficere, ut semper
orantes, et corpus in servitum redigen-
tes, ad coelestem Gloriam pervenire me-
reantur. Per Dominum etc.

IN I. NOCTURNO.

Lectioes de Script. occurr.

IN II. NOCTURNO.

Lectio IV.

Franciscus, dictus antea Ascanius, ex
nobili familia Carocciolo in Oppido Sanctæ
Mariæ de Villa in Aprutio ortus, à pri-
mis annis eximio enituit pietatis cultu.
Adolescens graviter aegrotans statuit se se
pror-

prorsus Dei proximique mancipare servi-
tio. Neapolim profectus, Sacerdotio ini-
tiatus, sacroque adscriptus sodalities, con-
templationi lucrandisque animabus se to-
tum devovit, ac extremo supplicio dam-
natis hortatorem se praebuit assiduum.
Contigit autem, ut epistolium, alteri desti-
natum, ei per errorem redderetur, quo
à piissimis viris Joanne Augustino Adur-
no, et Fabricio Caracciolo ad novi Reli-
giosi Instituti foundationem vocabatur; rei
novitate captus, et divinae voluntatis de-
miratus consilia, alacri animo se se illis
adjunxit. Conditis autem in Camaldulen-
sium eremo, quo secesserant, novi Ordi-
nis legibus, inde Romam simul profecti,
confirmationem a Sixto V. impetrârunt,
qui eosdem Clericos Regulares Minores
appellari voluit, addito ad tria consueta
altero de non ambiendis dignitatibus voto.
Tu autem etc. & *Honestum etc.*

Lectio V.

Solemni emissa professione, ob singu-
larem ejus in Divum Franciscum Assisia-
tem cultum, Francisci nomen assumpsit.
Adurno biennio post vita functo, ipse toti
Religioni, quamquam invitus, praeficitur;
quo in munere virtutum omnium praecla-
ra praebuit exempla. Instituti amplificandi
stu-

studiosissimus, id assiduis orationibus, lacrymis, et jugi corporis maceratione enixe a Deo postulabat. Quamobrem tertio in Hispaniam se contulit, peregrini habitu indutus, victumque ostiatim mendicans. In itinere asperrima quaeque prepeffus, Omnipotentis auxilium mirum in modum expertus, navim, quam conscenderat, ab imminente naufragio orationis praesidio servavit incolumem. Ut in Regnis illis voti compos fieret, plurimum laboravit; sed ejus sanctitatis fama praelucente, amplissimaque Catholicorum Regum Philippi Secundi et Philippi Tertii munificentia, adversariorum conatibus singulari animi fortitudine superatis, plura sui Ordinis domicilia fundavit; quod pari eventu per Italiam praestitit. *Tu autem etc.*

R. Amavit eum etc.

Lectio VI.

Humilitate adeo excelluit, ut Romam veniens, in pauperum hospitio receptus, se leproso sociaverit, et Ecclesiasticas dignitates, à Paulo Quinto sibi oblatas, constantissime recusaverit. Illibatam perpetuo servavit virginitatem; effrontesque mulieres, ejus castimoniae insidiantes, Christo lucrifecit. Erga divinissimum Eucharistiae mysterium ardenti aestuans amore, noctes penè
inte-

integras in ejus adoratione insomnes ducebat; quod pium exercitium, veluti sui Ordinis tesseram, in eo perpetuo servandum constituit. Deiparae Virginis cultum impense fovit; in proximum eximia exarsit charitate; Prophetiae dono, et cordium scrutatione ditatus fuit. Quadragesimum quartum aetatis suae annum agens, dum in Sacra Lauretana Aede in oratione persisteret, sibi vitae finem imminere cognovit. Aprutium statim deflexit, et Agnoni apud alumnos S. Philippi Nerii lethali febre correptus, Sacramentis Ecclesiae devotissime susceptis, pridie nonas Junii anni millesimi sexcentissimi octavi in pervigilio festi Corporis Christi placidissime obdormivit in Domino. Sacrum ejus Corpus Neapolim delatum in Ecclesia S. Mariae Majoris, ubi prima sui Ordinis jecerat fundamenta, honorifice conditum fuit. Eum postea miraculis clarum Clemens Decimus Quartus Pontifex Maximus solemniter inter Beatos, Pius vero Septimus Pontifex Maximus novis fulgentem signis, anno millesimo, octingentesimo septimo Sanctorum albo adscripsit. *Tu autem etc.* R. Iste homo.

IN III. NOCTURNO. Hom. in Evang. Sint lumbi, de Comm. Conf. non Pont. I. loco.

Cum permisso Superiorum.

Paderbornae, typis et sumpt. J. W. Junfermann.